



1	4
1555	
127	

127



門 14
點 1555
卷 127



武林舊事卷第六

明宋廷佐刻本參校

四水潛夫輯

諸市

藥市

炭橋

花市

官巷

珠子市

融和坊南官巷

米市

北關外黑橋頭。宋刻北關門外。

肉市

大瓦修義坊

菜市

新門東青門霸子頭。宋刻新門外。

鮮魚行

候湖門外

魚行

北關外水橋。宋刻北關門外。

南豬行

候湖門外

北豬行

打豬巷

布市

便門外橫河頭。宋刻布行。

蠓行

新門外南上門

武林舊事卷六

一知不足齋叢書

四十九

花園 官巷口錢塘門內

青果團 侯潮門內泥路

柑子團 後市街

養團 使門外渾水閘

書房 橋園亭

五子勾欄 城內隸修內司城外隸殿前司

南瓦 清冷橋熙春樓

中瓦 三元樓

大瓦 三橋街亦名上瓦

北瓦 泉安橋亦名下瓦

蒲橋瓦 亦名東瓦

便門瓦 使門外

候潮門瓦 侯潮門外

小堰門瓦 小堰門前宋刻門外

新門瓦 亦名四通館瓦

薦橋門瓦 薦橋門前宋刻門外

菜市門瓦 菜市門外

錢湖門瓦 省馬院前

赤山瓦 後軍寨前

行春橋瓦

北郭瓦 又名大通店

米市橋瓦

舊瓦 石板頭

嘉會門瓦 嘉會門外

北關門瓦 又名新瓦

艮山門瓦 艮山門外

羊坊橋瓦

王家橋瓦

龍山瓦

如北瓦羊棚樓等謂之遊棚 宋刻邀棚 外又有勾欄甚多北瓦內勾欄十三座最盛或有路岐不入勾欄

只在要鬧寬闊之處宋刻要作要做場者謂之打野呵
此又藝之次者

酒樓

和樂樓

昇陽宮南庫

和豐樓

武林園南上庫宋刻無南字

中和樓

銀甕子中庫

春風樓

北庫

太和樓

東庫

西樓

金文西庫宋刻金文庫

太平樓

豐樂樓

南外庫

北外庫

西溪庫

已上竝官庫屬戶部點檢所每庫設官妓數十人
各有金銀酒器千兩以供飲客之用每庫有祇直
者數人名曰下番飲客登樓則以名牌點喚侑樽
謂之點花牌元夕諸妓皆併番互移他庫夜賣各
戴杏花冠兒危坐花架然名娼皆深藏邃閣未易
招呼凡肴核盃盤亦各隨意攜至庫中初無庖人
官中趨課初不藉此聊以粉飾太平耳往往皆學
舍士夫所據外人未易登也

熙春樓

三元樓

五間樓

賞心樓

嚴廚

花月樓

銀馬杓

康沈店

翁廚

任廚

陳廚

周廚

巧張

日新樓

沈廚

鄭廚

只賣好食雖海鮮頭羹皆有之

乾麻眼

只賣好酒

張花

已上皆市樓之表表者每樓各分小閣十餘酒器悉用銀以競華侈每處各有私名妓數十輩皆時妝袷服巧笑爭妍夏月茉莉盈頭香滿綺陌凭檻

招邀謂之賣客又有小鬟不呼自至歌吟強聒以求支分謂之擦坐又有吹簫彈阮息氣鑼板歌唱散耍等人謂之趕趁及有老嫗以小爐炷香為供者謂之香婆有以法製青皮杏仁半夏縮砂豆蔻小蠟茶香藥韻薑砌香橄欖薄荷至酒閣分俵得錢謂之撒嚙又有賣玉面狸鹿肉糟決明糟蠓糟羊蹄酒蛤蜊柔魚鰕茸鱈乾者謂之家風又有賣酒浸江蟠章舉蠟肉龜脚鎖管蜜丁脆螺蟹醬法鰕子蟹魚諸海味者謂之醒酒口味凡下酒羹湯

正木齋書卷六
任意索喚雖十客各欲一味亦自不妨過賣鎗頭
記憶數十百品不勞再四傳喝如流便卽製造供
應不許少有違誤酒未至則先設看菜數碟及舉
盃則又換細菜如此屢易愈出愈奇極意奉承或
少忤客意及食次少遲則主人隨逐去之歌管歡
笑之聲每夕達旦往往與朝天車馬相接雖風雨
暑雪不少減也

歌館

平康諸坊如上下抱劍營漆器齋沙皮巷清河坊融和

坊新街太平坊巾子巷獅子巷後市

皆羣花所

聚之地外此諸處茶肆清樂茶坊八仙茶坊珠子茶坊
潘家茶坊連三茶坊連二茶坊及金波橋等兩河以至
瓦市各有等差莫不靚妝迎門爭妍賣笑朝歌暮絃搖
蕩心目凡初登門則有提瓶獻茗者雖盃茶亦犒數千
謂之點花茶登樓甫飲一盃則先與數貫謂之支
後呼喚提賣隨意置宴趕趲祇應撲賣者亦皆紛
費頗多或欲更招他妓則雖對街亦呼肩輿而至謂之
過街轎前輩如賽觀音孟家蟬吳憐兒等甚多皆以色

藝冠一時家甚華侈近世目擊者惟唐安安最號富盛
凡酒器沙鑪冰盆火箱妝合之類悉以金銀爲之帳幔
茵褥多用錦綺器玩珍奇它物稱是下此雖力不逮者
亦競鮮華蓋自酒器首飾被臥衣服之屬各有賃者故
凡佳客之至則供具爲之一新非習於遊者不察也

賃物

花簪	酒檐	首飾	衣服	被臥
轎子	布囊	酒器	幃設	動用
盤合	喪具			

凡吉凶之事自有所謂茶酒廚子專任飲食請客
宴席之事凡合用之物一切賃至不勞餘力雖廣
席盛設亦可咄嗟辦也

作坊

熟藥圓散	生藥飲片	麩麩
糰子	饅頭	燒炕鴛鴦
燒炕豬羊	糖蜜棗兒	諸般糖
金橘團	灌肺	餛子
箕豆	印馬	蚊煙

都民驕惰凡買賣之物多與宋刻作坊行販已成之物轉求什一之利或有貧而愿者凡貨物盤架之類一切取辦於作坊至晚始以所直償之雖無分文之儲亦可餬口此亦風俗之美也

驕民

都民素驕非惟風俗所致蓋生長輦下勢使之然若住屋則動蠲公私房賃或終歲不償一銀諸務稅息亦多蠲放有連年不收一孔者皆朝廷自行抱認諸項窠名恩賞則有黃榜錢雪降則有雪寒錢久雨久晴則又有

賑恤錢米大家富室則又隨時有所資給大官拜命則有所謂搶節錢病者則有施藥局童幼不能自育者則有慈幼局貧而無依者則有養濟院死而無殮者則有漏澤園民生何其幸歟

游手

浩穰之區人物盛夥游手奸黠實繁有徒有所謂美人局以娼優為媿妾櫃坊賭局以博戲關撲結水功德局誘引少年為事以末官覓舉恩澤還轉訟事交易等為名假借聲勢脫漏財物不一而足又有賣買物貨以偽易真至以紙為衣銅鉛為金銀土木為香藥變

換如神謂之白日賊若闖闖之地則有剪脫衣囊環珮者謂之覓貼兒其他穿窬胙篋各有稱首以至頑徒如攔街占九條龍之徒尤為市井之害故尹京政先彈壓悍鉤距長於才術者乃可都轄一房有都轄使供申院長以至廂巡地分頭項火下凡數千人捕為職其閒雄駟有警者往往皆出羣盜而內海巡八廂以察之

市食

餠餠兒

肝臟餃子

香藥灌肺

灌腸

豬胰胡餅

羊脂韭餅

窩絲薑豉

剗子

科斗細粉

玲瓏雙條

七色燒餅

雜煤

金錠裹蒸

市羅角兒

宋刻餠兒

寬焦薄脍

糕糜

旋炙犯兒

八糴鶩鴨

宋刻八糴

炙鷄鴨

燻肝

罐裏燻

燻鰻鱧

燻團魚

煎白腸

水晶膾

煎鴨子

臟馳兒

焦蒸餅

海蟄鮓

薑蝦米

辣蘆粉

糖菓子

豆糰

麻糰

螺頭

膘皮

辣菜餅

炒螃蟹

肉葱蒸

羊血

鹿肉犯子

果子

阜兒膏

宏利少

瓜羹煎

鮑螺

裹蜜

糖絲線

澤州餠

蜜麻酥

炒團

澄沙團子

十般糖

甘露餅

玉屑糕

宋刻膏

燒木瓜

糖脆梅

破核兒

查條

橘紅膏

荔枝膏

蜜薑豉

韻薑糖

花花糖

二色灌香藕

糖豌豆

芽豆

栗黃

烏李

酪麪

蓼花

蜜彈彈

望口消

桃穰酥

重劑

蜜棗兒

天花餅

烏梅糖

玉柱糖

乳糖獅兒

薄苛蜜

琥珀蜜

餛飩兒

諸色糖蜜煎

菜蔬

薑油多

蕪花茄兒

辣瓜兒

倭菜

藕鮓

冬瓜鮓

筍鮓

菱白鮓

皮醬

糟瓊枝

葶菜筍

糟黃芽

糟瓜齏

淡鹽齏

鮓菜

醋薑

脂麻辣菜

拌生菜

諸般糟淹

鹽芥

粥

七寶素粥

五味粥

粟米粥

糖豆粥

糖粥

糕粥

餛飩子粥

菜豆粥

肉盞飯

犯鮓

算條

界方條

線條

魚肉影戲

胡羊犯

削脯

槌脯

鬆脯

兔犯

麋犯鹿脯

糟豬頭

乾鹹豉

阜角錠

臘肉

炙骨頭

旋炙荷包

荔枝皮

鶯鮓

荷包旋鮓

三和鮓

切鮓

骨鮓

桃花鮓

雪團鮓

玉板鮓

鱒鯉鮓

春子鮓

黃雀鮓

銀魚鮓

蟻鮓

涼水

甘豆湯

椰子酒

豆兒水

鹿梨漿

滴梅水

薑蜜水

木瓜汁

茶水

沈香水

荔枝膏水

苦水

金橘團

雪泡縮皮飲

宋刻縮脾

梅花酒

香薷飲

五苓大順散

紫蘇飲

糕

糖糕

蜜糕

栗糕

粟糕

麥糕

豆糕

花糕

糍糕

雪糕

小甌糕

蒸糖糕

生糖糕

蜂糖糕

線糕

閒炊糕

乾糕宋刻糕乾

乳糕

社糕

重陽糕

蒸作從食

子母重

春重

大包子

荷葉餅

芙蓉餅

壽帶龜

子母龜

歡喜

擦尖

翦花

小蒸作

駱駝蹄

大學饅頭

羊肉饅頭

細餡

糖餡

豆沙餡

蜜辣餡

生餡

飯餡

酸餡

筍肉餡

麩葷餡

棗栗餡

薄皮

蠟黃

灌漿

臥爐

鶯項

棗餠

仙桃

乳餅

菜餅

秤錘蒸餅

睡蒸餅

千層

鷄頭籃兒

鶯彈

月餅

餛子

炙焦

肉油酥

燒餅

火棒

小蜜食

金花餅

市羅

蜜劑

餅餡

春餅

胡餅

韭餅

諸色餛飩

諸色包子

諸色角兒

諸色果食

諸色從食

諸色酒名

薔薇露

流香竝御庫

宣賜碧香

思堂春

三省激賞庫

鳳泉殿司

玉練槌祠祭

有美堂

中和堂

雪醅

眞珠泉

皇都春

常酒出賣

和酒

出賣竝京醞

皇華堂

浙西官

爰谷堂

浙東倉

瓊花露

揚州

六客堂

湖州

齊雲清露

雙瑞

竝蘇州

愛山堂

得江

竝東總

畱都春

靜治堂

竝江關

十洲春

玉醅

竝海關

海岳春

西總

籌思堂

江東漕

清茗空

秀州

蓬萊春

越州

第一江山

北府兵廚

錦波春

浮玉春

竝鎮江

秦淮春

銀光

竝建康

清心堂

豐和春

蒙泉 州 苙 溫

蕭灑泉 州 嚴

金斗泉 州 常

思政堂

龜峰 州 苙 衢

錯認水 州 婺

穀溪春 溪 蘭

慶遠堂 州 秀

清白堂 府 楊

藍橋風月 府 吳

紫金泉 府 楊 郡 王

慶華堂 府 楊 駙 馬

元勳堂 府 張

眉壽堂

萬象皆春 邸 苙 榮

濟美堂

勝茶 府 苙 謝

點檢所酒息日課以數十萬計而諸司邸第及諸州供送之酒不與焉蓋人物浩繁飲之者衆故也

小經紀 他處所無者

班朝錄

供朝報

選官圖

諸色科名

開先牌

寫牌額

裁板尺

諸色指揮

織經帶

碁子碁盤

蒲牌骰子 宋刻蒲擲

交牀試籃

賣字本

掌記冊兒

諸般簿子

諸色經文

刀冊兒

紙畫兒

扇牌兒

印色盞

翦字

纏令

耍令

琴阮弦

開笛

艷笙

鞞鼓

口簧

位牌

諸般盃兒

屋頭挂屏

翦鏃花樣

簷前樂

見成皮鞵

提燈靛燈

頭鬚編掠

香櫟絡兒

香櫟坐子

拄杖

粘竿

風旛

釣鈎

釣竿

食罩

弔挂

拂子

蒲坐

椅褥

藥焙

烘籃

風袋

煙帚

糊刷

鞵植

桶鉢

搭羅兒

薑擦子

帽兒

鞵帶

脩皮鞵

穿交椅

穿墨兒

鞵結底

穿珠

領抹

釵朶

牙梳

洗翠

脩冠子

小梳兒

染梳兒

接補梳兒

香袋兒

面花兒

絹孩兒

符袋兒

畫眉七香丸

膠紙

穩步膏

手皴藥

涼藥

香藥

膏藥

髮塚兒

頭髮宋刻

磨鏡

弩兒

弩弦

彈弓

箭翎

射帖

壺籌

鶉鴿鈴

風箏

藥線

象碁

鞦韆子

斗葉

香爐灰

紙刷兒

篦子剔

剪截段尺

出洗衣服

簇頭消息

提茶瓶

鼓爐釘鉸

釘看窗

札熨斗

供香餅

使繇

打炭鑿

補鍋子

泥竈

整漏

籬桶

襍膊兒

竹貓兒

消息子

老鼠藥

蚊煙

鬧蛾兒

涼筒兒

紐扣子

接縑

脩扇子

錢索

麻索

紅索兒

席草

鷄籠

脩竹作

使法油

油紙

油單

氈坐子

脩砧頭

磨刀

磨翦子

棒槌

春米

劈柴

插槌

俗諺云杭州人一日喫三十丈木頭以三十萬家為率大約每十家日喫插槌一分合而計之

則三十丈矣

淘井

貓窩

貓魚

賣貓兒

改貓犬

雞食

魚食

蟲蟻食

諸般蟲蟻

魚兒活

蛇蚪兒

促織兒

小螃蟹

金麻

馬螯兒

螂螯

蟲蟻籠

促織盆

麻花子

荷葉

燈草

發燭

肥阜團

茶花子

買瓶掇

舊鋪襯

圪伯紙

竹釘

淘灰土

淘河

剔撥叉

黃牛糞灰

挑疥蟲

賣煙火

鏡影戲

若夫兒戲之物名件甚多尤不可悉數如相銀杏猜糖吹哨兒打嬌惜千千車輪盤兒每一事率數十人各專藉以為衣食之地皆他處之所無也

諸色伎藝人

御前應制

姜梅山

特立觀
察使

周葵窗

端

曹松山

邊

陳藏一

都

徐良

陳愛山

程奎

耿待聘

御前畫院

馬和之

蘇漢臣

李安中

陳善

林春

吳炳

夏圭

李迪

馬遠

馬璘

案宋廷佐
刻本止此

蕭照

宋刻
佚

綦待詔

此後從陳氏寶顏
堂祕笑本參校

鄭日新

越
童

吳俊臣

安吉
吳

施茂

施猗
源

朱鎮

童先

陳刻
章先

杜黃

象

徐彬

象

林茂

象

禮重

象

尙端

象

沈姑姑

象女
流

金四官人

象

上官大夫

象

王安哥

象

李黑子

象

書會

李霜涯

作賺
絕倫

李大官人

譚
詞

葉庚

六知不足齋叢書

周竹窗

平江周二郎

孫

賈廿二郎

荷史

喬萬卷

許貢士

張解元

周八官人

檀溪子

陳進士

陳一飛

陳三官人

林宣教

徐宣教

李郎中

武書生

劉進士

鞏八官人

徐繼先

穆書生

戴書生

王貢士

陸進士

丘幾山

陳刻
機山

張小娘子

宋小娘子

陳小娘子

說經譚經

陳刻無譚
經二字

長嘯和尚

彭道

名注
和

陸妙慧

流女

余信菴

周太辯

和尚。陳
刻春辯

陸妙靜

流女

達理

和

嘯菴

隱秀

混俗

許安然

有緣

和

借菴

保菴

戴悅菴

息菴

戴忻菴

小說

蔡和

李公佐

張小四郎陳刻

朱脩德壽宮

孫奇德壽宮

任辯御前

施珪御前

葉茂御前

方瑞御前。陳刻方端

劉和御前

王辯鐵衣親兵

盛顯

王琦

陳良輔

王班直洪

翟四郎升

粥張二

許濟

張黑剔陳刻

俞住菴

色頭陳彬

秦州張顯陳刻

酒李一郎

喬宐陳刻

王四郎明

王十郎國林

王六郎師古

胡十五郎彬

故衣毛三

倉張三

棗兒徐榮

徐保義

汪保義

張拍陳刻

張訓

沈佺

沈喞

湖水周

爇肝朱

掇條張茂

王三教

徐茂象牙孩兒

王主管

翁彥

嵇元

陳可菴

林茂

夏達

明東

王壽

白思義

史惠英流女

影戲

賈震

賈雄

尚保義

三賈

賈偉賈儀賈佐

三伏

伏大伏二伏三

沈顯

陳松

馬俊

馬進

王三郎

昇

朱祐

蔡諮

張七

周端

郭真

李二娘

戲隊

王潤卿

女流。陳刻王潤興

黑媽媽

唱賺

濮三郎

扇李二郎

郭四郎

孫端

葉端

牛端

華琳

黃文質

盛二郎

顧和

蠟燭

馬升

熊春

梅四

汪六

沈二

王六

許曾三

邵六

僕

小王三

媳婦徐

沈七

謝一珪

小唱

蕭婆婆

韓太師府

賀壽

陳尾犯

畫魚周

陸恩顯

都管。陳刻。思顯。

笙張

周頤齋

禮執

忤都事

陳刻。忤作。

下八

丁未年撥入勾欄弟子嘌唱賺色

施二娘

時春春

時佳佳

陳刻。佳住。

何總憐

童二

嚴偏頭

向大鼻

陳刻。向作白。

葛四

徐勝勝

耿四

牛安安

陳刻。牛作朱。

余元元

錢寅奴

朱伴伴

大虎頭。陳刻。朱作陳大作火。

鼓板

段防禦

拾生

張眼光

張開

張驢兒

謂之三張

陳宐娘

笛。陳刻。宐作宣。

陳喜生

拍

周雙頂

潘小雙

莫及

笛

陳喜

拍

來七

笛

董大有

金四

札子皮

朱關生

雜劇

趙太

陳刻。泰

慢星子

女流

王侯喜

宋邦寧

唐都管

世榮

三何

晏喜。晏清。晏然。

鋤頭段

啣伶頭

諸國朝

氏林善事卷六

主知不足齋叢書

五林書事卷六

宋清朝陳刻 王大鐵

宋吉陳刻 宋國珍

王太 吳師賢

王見喜 鐵太

王珍美 吳國賢

惠恩澤 時和

蕭金蓮 一窟王

時國昌 金寶

吳國昌 王吉

郝成小

趙恩

朱太豬兒

馮舜朝

鄭太

顏喜

時豐稔

趙祥

王雙蓮流女

沈小喬

杜太

蔣俊

雜扮紐元子。陳刻無此三字

鐵刷湯

江魚頭

兔兒頭

菖蒲頭

眼裏喬

胡蜀葵

迎春蠶

卓郎婦

笑靨兒

科頭粉陳刻

韻梅頭

小菖蒲

金魚兒

銀魚兒

胡小俏

周喬

鄭小俏

魚得水旦

王道泰

王壽香旦

厲太

五林書事卷六

三知不足齋叢書

顧小喬

陳橋皮

小橋皮

菜市喬

自來俏

彈唱因緣

童道

費道

蔣居安

陳端

陳刻遂

李道

沈道

顧善友

甘道

俞道

徐康孫

張道

唱京詞

蔣郎婦

孟客

吳郎婦

馬客

諸宮調

奇傳

高郎婦

黃淑卿

王雙蓮

袁太道

陳刻太作本

唱耍令

大禍胎

小禍胎

李俊

香陳淵

陳刻陳香淵

大小王

熊二

路淑卿

陳昌

葉道

王保

王定

陸槐

郭忠

牛昌

郭雙蓮

陳新

徐喜

吳昌

趙防禦

雙目無御前

唱撥不斷

張鬍子

黃三

說諢話

蠻張四郎

商謎

胡六郎

魏大林

陳刻材

張振

周月巖

江西人

蠻明和尙

東吳秀才

陳贊

張月齋

捷機和尙

魏智海

小胡六

馬定齋

王心齋

覆射

女郎中

學鄉談

方齋郎

舞縮百戲

西木書事卷六

已如重刊

張遇喜

劉仁貴

宋十將

陳刻朱作朱

常十將

錯安頭

歡喜頭

柴小昇哥

林賽哥

張名貴

花念一郎

花中寶

神鬼

謝興哥

花春

王鐵一郎

王鐵三郎

撮弄雜藝

林遇仙

趙十一郎

趙家喜

渾身手

張賽哥

陳刻寶歌

王小仙

姚遇仙

趙念五郎

趙世昌

趙世祥

耍大頭

踢弄

金寶

施半仙

金逢仙

小關西

陸壽

包顯

女姑姑

施小仙

泥丸

王小仙

施半仙

章小仙

袁丞局

陳刻承局

式木書事卷六

未知不足齋叢書

頭錢

包顯

包喜

包和

黃林

踢弄

吳金脚

耍大頭

吳鷓子

傀儡懸絲杖頭藥發

陳中喜

陳中貴

盧金線

鄭榮喜

張金線

張小僕射杖頭

劉小僕射水傀儡

張逢喜肉傀儡

劉貴

張逢貴肉傀儡

頂撞踏索

李賽強

一塊金

李真貴宋刻真會

閒生強

清樂

黃顯貴

沒眼動樂

角觥

王僥大

張關索

撞倒山

劉子路

盧大郎

鐵板脊

式林書事卷六

至知不足齋叢書

賽先生

金重旺

賽板沓

曹鐵凜

賽饒太

賽關索

周黑大

張饒大

劉春哥

曹鐵拳

王急快

嚴關索

韓銅柱

韓鐵僧

王賽哥

一拔條

溫州子

韓歸僧

黑八郎

鄭排

昌化子

小住哥

陳刻佳哥

周僧兒

廣大頭

金壽哥

嚴鐵條

武當山

蓋來住

陳刻蓋作孟

董急快

董饒大

周板沓

鄭三住

周重旺

小關索

小黑大

阮捨哥

傅賣鮮

鄭白大

喬相撲

喬對林高三官人

外元魚頭

鶴兒頭

鴛鴦頭

一條黑

一條白

斗門喬

白玉貴

何白魚

夜明珠

女颯

韓春春

繡勒帛

錦勒帛

賽貌多

僂六娘

後輩僂

女急快

使棒

喬朱來兒

喬使棒高三官人

打硬陳刻佚此門

孫七郎

酒李一郎話

舉重

天武張擊石毬

花馬兒撥石墩

郭介六

端親

王尹生

陸壽

打彈

俞麻線二人

楊寶

姚四

白腸吳四

蠻王

林四九娘女

蹴毬

黃如意

范老兒

小孫

張明

蔡潤

射弩兒

周長造弩

康沈造箭

杳大

正木齋事卷六

林四九娘流女 黃一秀

散耍

傷寶 陸行 莊秀才

沈喜 姚菊

裝秀才

花花帽孫秀 陳齋郎

吟叫

姜阿得 鍾勝 吳百四

潘善壽陳刻喜壽 蘇阿黑 余慶

合笙

雙秀才

沙書

余道陳刻金道 姚遇仙 李三郎改畫

教走獸

馮喜人陳刻人喜 李三熊教

教飛禽蟲蟻

趙十一郎 趙十七郎 糊孫王

弄水

武木齋事卷六

子知不足齋叢書

啞八

謝棒殺

陳刻無殺字

畫牛兒

僧兒

放風箏

周三

呂偏頭

煙火

陳太保

夏島子

說藥

楊郎中

徐郎中

喬七官人

捕蛇

戴官人

七聖法

杜七聖

消息

陸眼子

高道

武林舊事卷第六

武林舊事卷六

三知不足齋叢書

武林舊事卷六

Blank page with vertical lines for text.

武林舊事卷第七

陳氏寶顏堂祕笈本參校

四 水 潛 夫 輯

此書叢脞無足言然閒有典章一二可觀故好事者或取之然遺闕故不少也近見陳源家所藏德壽宮起居注及吳居父甘昇所編逢辰等錄雖皆瑣釀陳刻散漫參考旁證自可互相發揮又皆乾淳奉親之事其一時承顏養志之娛燕閒文物之盛使觀之者錫類之心油然而生其於世教民彝豈小補哉因輯為一卷以為此書之重然余所得



而聞者不過此數事耳若二十八年之久余雖不
得盡知而盡紀之然卽其所知其所不知蓋亦可
以想見矣因益所未備通爲十卷雖然書之旣不
能有所次第亦不暇文其言詞貴乎紀實且使世
俗易知云爾

乾道三年三月初十日南內遣閣長至德壽宮奏知連
日天氣甚好欲一二日閒茶邀車駕幸聚景園看花取
自聖意選定一日太上云傳語官家備見聖孝但頻頻
出去不惟費用又且勞動多少人本宮後園亦有幾株

好花不若來日請官家過來閒看遂遣提舉官同到南
內奏過遵依訖次日進早膳後車駕與皇后太子過宮
起居二殿訖先至燦錦亭進茶宣召吳郡王曾兩府已
下六員侍宴同至後苑看花兩廊竝是小內侍及幕士
效學西湖鋪放珠翠花朵玩具匹帛及花籃鬧竿市食
等許從內人關撲次至毬場看小內侍拋綵毬蹴秋千
又至射廳看百戲依例宣賜回至清妍亭看茶蘼就登
御舟繞堤閒遊亦有小舟數十隻供應雜藝嘌唱鼓板
蔬果與湖中一般太上倚闌閒看適有雙燕掠水飛過

正林書事卷一
得旨令會觀賦之遂進阮郎歸云柳陰庭院占風光呢
喃春晝長碧波新漲小池塘雙雙蹴水忙萍散漫絮飛
揚輕盈體態狂爲憐流水落花香銜將歸畫梁既登舟
知閣張掄進柳梢青云柳色初濃餘寒似水纖雨如塵
一陣東風縠紋微皺碧沼鱗鱗仙娥花月精神奏鳳箏
鸞弦鬪新萬歲聲中九霞杯內長醉芳春會觀和進云
桃靨紅勻梨腮粉薄鴛徑無塵鳳閣凌虛龍池澄碧芳
意鱗鱗清時酒聖花神看內苑風光又新一部仙韶九
重鸞仗天上長春各有宣賜次至靜樂堂看牡丹進酒

三盞太后邀太皇官家同到劉婉容位奉華堂聽搃阮
奏曲罷婉容進茶訖遂奏太后云本位近教得二女童
名瓊華綠華竝能琴阮下基寫字畫竹背誦古文欲得
就納與官家則劇遂令各呈伎藝併進自製阮譜三十
曲太后遂宣賜婉容宣和殿玉軸沈香槽三峽流泉正
阮一面白玉九芝道冠北珠綠領道氅銀絹三百匹兩
會子三萬貫陳刻是日三殿竝醉西牌還內自此
官裏知太上聖意不欲頻出勞人遂奏知太上命脩內
司日下於北內後苑建造冷泉堂疊巧石爲飛來峯開

正木書卷一
展大池引注湖水景物竝如西湖其西又建大樓取蘇軾詩句名之曰聚遠竝是今上御名恭書又御製堂記太上賦詩今上恭和刻石堂上是歲翰苑進端午帖子云聚遠樓前面面風冷泉堂下水溶溶人間炎熱何由到真是瑤臺第一重又曰飛來峯下水泉清臺沼經營不日成境趣自超塵世外何須方士覓蓬瀛皆紀實也淳熙三年五月二十一日天申聖節先十日駕詣德壽宮進香竝進奉銀五萬兩絹五千匹錢五萬貫度牒一百道用綠油匣二百箇上貼簽云臣某御謹進令幕士

安頓寢殿前候閣長到宮移入殿上并鋪放七寶金銀器皿等十二日皇后到宮進香排日皇太子皇太子妃并大內職典等進香至日卯時車駕率皇太子太子妃文武百僚竝詣宮上壽車駕至小次降輦太上遣本宮提舉傳旨減拜行禮上回奏云上感聖恩容臣依禮上壽太上再命減十拜俟太上升殿皇帝起居拜舞如儀併率皇太子百官奉上御酒樂作衛士山呼駕輿入幄次小歇樂人再排立殿上降簾太上再坐太后率皇后太子妃上壽六宮次第起居禮畢退上侍太上過寢殿

進早膳太上令宣喚吳郡王等官前來伴話上侍太上同往射廳看百戲依例宣賜再入幄次小歇上遣閣長奏知太上午時二刻恭請赴坐至期車駕竝赴德壽殿排當自皇帝已下竝簪花侍宴至第三盞太上遣內侍請官家免花帽兒束帶并卸上蓋衣官裏回奏上感聖恩并免皇后頭冠皇太子穿執竝謝恩詔太上泛賜皇太子壘金嵌寶盤盞紫羅紫紗南北內互賜承應人目子錢主管禁衛官率禁衛等人於殿門外謝恩又入幄次小歇約二刻再請太上往至樂堂再坐教坊大使甲

正德進新製萬歲興龍曲樂破對舞各賜銀絹有差又移宴清華看蟠松宮嬪五十人皆仙妝奏清樂進酒并衙前呈新藝約至五盞之上賜官裏御書急就章并金剛經官家却進御書真草千字文太上看看了甚喜云大哥近日筆力甚進上起謝同皇太子步至蟠松下看御書詩再入坐太上宣索翡翠鸚鵡杯官裏與皇后親捧盃進酒太上曰此是宜和閒外國進到可以屑金就以爲賜上謝恩時太上官家竝已七八分醉遂再服上蓋率皇后太子謝恩宣平輦近裏升輦太上宣諭知省云

官家已醉可一路小心照管知省等領聖旨還內來早
上遣知省至宮恭問二聖起居并奏欲親到宮謝恩太
上就令提舉往問與居并免到宮行禮

八月二十一日壽聖皇太后生辰先十日車駕過宮先
至太上處起居方至本殿進香次皇后皇太子太子妃
莊文太子妃張娘娘已下竝進香起居上至太上內書
院進泛索遂奏安止還內十二日婉容到宮至西便門
廊下先至太上處奏起居次入本殿進香值雨免下階
起居大內進香十三日知省及大官到宮進香閣長就

管押進奉銀絹度牒等并七寶銀金器皿

比天中并珠
簡減半

子十號竝於後殿鋪放十六日本殿提舉率本宮官屬
進香并設放壽星及神僊意思書畫等物隔簾奏喏免
起居退次日皇太后宅親屬到宮進香并本宮人吏後
苑官屬作苑使臣等竝節次進香二十一日卯時皇后
先到宮候駕到至太上前殿起居次至本宮殿
陳刻無
宮字
官家第一班皇后第二班太子并太子妃第三班共上
壽訖太后宅親屬上壽竝同天申節儀太上邀官裏至
清心堂進泛索值雨不呈百戲依例支賜午初二刻奏

辨就本殿大堂面北坐官家花帽兒上蓋皇后三釵頭
冠竝賜簪花至五盞竝免大衣服官裏便背兒赴坐第
七盞小劉婉容進自製十色菊千秋歲曲破內人瓊瓊
柔柔對舞上於閣子庫取賜五兩數珠子一號細色批
段各十四太后又賜七寶花十枝珠翠芙蓉緣領陳刻領緣
一副又移坐靈芝殿有木犀處進酒次到至樂堂再坐
至更後還內

十月二十二日今上皇帝會慶聖節至日車駕過宮大
上升殿起居訖簪花拜舞進壽酒訖太上回賜壽酒次

至太后殿行禮

詳見第一卷

從太上至後苑梅坡看早梅又

至浣溪亭看小春海棠午初至載忻堂排當官家換素
帽兒太后賜官裏女樂二十人上再拜謝恩并教坊都
管王喜等進新製會慶萬年薄媚曲破對舞竝賜銀絹
太上以白玉桃盃賜上御酒云學取老爹年紀早早還
京上飲酒再拜謝恩三盞後官家換背兒免拜皇后換
團冠背兒太子免繫裏再坐本宮御侍六人竝升郡夫
人就賜誥謝恩并照例支散日子錢太上又賜官裏玉
酒器十件壘珠嵌寶器皿一千兩克絲作金龍裝花軟

套閣子一副侍宴官吳郡王已下各賜金盤盞匹段并
薔薇露酒香茶等是日官裏大醉申後宣逍遙子入便
門升輦還內

淳熙五年二月初一日上過德壽宮起居太上畱坐冷
泉堂進泛索訖至石橋亭子上看古梅太上曰苔梅有
二種一種宜興張公洞者苔蘚甚厚花極香一種出越
上苔如綠絲長尺餘今歲二種同時著花不可不少畱
一觀上謝曰恭領聖旨上皇因言多日不見史浩命內
侍宣召既至起居訖賜坐并召居廣鄭藻初筵教坊奏

樂呈伎酒三行太上宣索市食如李婆婆雜菜羹賀四
酪面臙三豬胰胡餅戈家甜食等數種太上笑謂史浩
曰此皆京師舊人各厚賜之史起謝又移宴靜樂堂盡
遣樂工全用內人動樂且用盤架品味百餘種酒行無
算又宣索黃玉紫心葵花大盞太上親自宣勸史捧觴
爲兩宮壽時君臣皆已霑醉小內侍密語史相公云少
酌上聞之曰滿酌不妨當爲老先生一醉太上極喜賜
史少保玉帶一條冰片腦子一金合紫泥羅二十四御
書四軸史相謝恩而退

淳熙六年三月十五日車駕過宮恭請太上太后幸聚
景園次日皇后先到宮起居入幕次換頭面候車駕至
供泛索訖從太上太后至聚景園太上太后至會芳殿
降輦上及皇后至翠光降輦竝入幄次小歇上邀兩殿
至瑤津少坐進泛索太上太后竝乘步輦官裏乘馬遍
遊園中再至瑤津西軒入御筵至第三盞都管使臣劉
景長供進新製泛蘭舟曲破吳興祐舞各賜銀絹上親
捧玉酒船上壽酒酒滿玉船船中人物多能舉動如活
太上喜見顏色散兩宮內官酒食并承應人日子錢逐

至錦壁賞大花三面漫坡牡丹約千餘叢各有牙牌金
字上張大樣碧油絹幕又別翦好色樣一千朵安頓花
架竝是水晶玻璃天青汝窰金瓶就中間沈香卓兒一
隻安頓白玉碾花商尊約高二尺徑二尺三寸獨插照
殿紅十五枝進酒三杯應隨駕官人內官竝賜兩面翠
葉滴金牡丹一枝翠葉牡丹沈香柄金綵陳刻御書扇
各一把是日知閣張掄進壺中天慢云洞天深處賞嬌
紅輕玉高張雲幕國艷天香相競秀瓊苑風光如昨露
洗妖妍陳刻風傳馥郁雲雨巫山約春濃如酒五雲臺

榭樓閣聖代道洽功成一塵不動四境無鳴柝屢有豐
年天助順基業增隆山嶽兩世明君千秋萬歲永享昇
平樂東皇呈瑞更無一片花落賜金盃盤法錦等物此
或謂是康伯可所賦張掄以爲已作又進酒兩盞至清輝少歇至翠光登
御舟入裏湖出斷橋又至珍珠園太上命盡買湖中龜
魚放生并宣喚在湖賣買等人內侍用小綵旗招引各
有支賜時有賣魚羹人宋五嫂對御自稱東京人氏隨
駕到此太上特宣上船起居念其年老賜金錢十文銀
錢一百文絹十匹仍令後苑供應泛索時從駕官丞相

趙雄樞密使王准參政錢良臣並在顯應觀西齋堂侍
班各賜酒食翠花扇子至申時御舟稍泊花光亭至會
芳少歇時太上已醉官裏親扶上船竝乘轎兒還內都
人傾城盡出觀瞻贊嘆聖孝

九月十五日明堂大禮十三日值雨未時奏請宿齋北
內送天花蔘菇蜜煎山藥棗兒乳糖巧炊火燒角兒等
十四日早車駕詣景靈宮回太廟宿齋雨終日不止午
後太上遣提舉至太廟傳語宮家連日祀事不易所有
十六日詣宮飲福以陰雨泥濘勞頓可免到宮行禮天

氣陰寒請官家善進御膳頻添御服聖旨遣閣長回奏上感聖恩至日若登樓肆赦時依舊詣宮行禮若值雨不登門時續當奏聞至晚雨不止宣諭大禮使趙雄來早更不乘輅止用逍遙輦詣文德殿致齋一應儀仗排立竝行放免從駕官竝常服以從併遣御藥奏聞北內來日爲值雨更不乘輅謹遵聖旨更不過宮行飲福禮太上令傳語官家既不乘輅此閒也不出去看也大禮使趙雄雖已得旨猶不許放散上聞之曰來早若不晴時有何面目雄聞之曰縱使不晴得罪不過罷相耳豈

執不冝放散至黃昏後雨止月明上大喜遣內侍李思恭宣諭大禮使仍舊乘輅再遣御藥奏聞北內以天晴仍舊乘輅候登門肆赦詣宮行飲福禮十五日晴色甚佳車駕自太廟乘輅還內日映御袍天顏甚喜都民皆贊嘆聖德至巳時太上直閣子官往齋殿傳語官家且喜晴明可見誠心感格賜御用匹段玉鞦轡七寶篋刀子事件素食果衣等仍諭連日勞頓免行飲福禮今上就遣知省回奏上感聖恩天氣轉晴皆太上皇帝聖心感格容肆赦詣宮行禮併謝聖恩十六日登門肆

赦畢車駕詣宮小次降輦提舉傳太上皇聖旨特減八拜仍免至壽聖處飲福行禮畢略至絳華堂進泛索知閣張掄進臨江仙詞云聞道彤庭森寶仗霜風逐雨驅雲六龍扶輦下青冥香隨鸞扇遠日映赭袍明簾捲天街人頂戴滿城喜氣氤氳等閒散作八荒春欲知天意好昨夜月華新

淳熙七年十二月二十八日南內遣御藥并後苑官管押進奉兩宮守歲合食則劇金銀錢消夜歲軸果兒錦歷鍾馗爆仗羔兒法酒春牛花朵等就奏知太上皇帝

元日欲先詣宮朝賀然後還內引見大金人使太上不許傳語官家至日可先引見人使訖却行到宮

淳熙八年正月元日上坐紫宸殿引見人使訖即率皇后皇太子太子妃至德壽宮行朝賀禮

詳見第一卷

并進呈

畫本人使面貌姓名及館伴問答是歲太上聖壽七十有五舊歲欲再行慶壽禮太上不許至是乃密進黃金酒器二千兩上侍太上於櫺木堂香閣內說話宣押基待詔并小說人孫奇等十四人下基兩局各賜銀絹供泛索訖官家恭請太上太后来日就南內排當初二日

進早膳訖遣皇太子到宮恭請兩殿竝只用轎兒禁衛
簇擁入內官家親至殿門恭迎親扶太上降輦至損齋
進茶次至清燕殿閒看書畫玩器約午時初後苑恭進
酥酒十色熬煮午正二刻就凌虛排當三盞至萼綠華
堂看梅上進銀三萬兩會子十萬貫太上云宮中無用
錢處不須得上再三奏請止受三分之一未初雪大下
正是臘前太上甚喜官家云今年正欠些雪可謂及時
太上云雪却甚好但恐長安有貧者上奏云已令有司
比去年倍數支散矣太上亦命提舉官於本宮支撥官

會照朝廷數目發下臨安府支散貧民一次又移至明
遠樓張燈進酒節使吳琚進喜雪水龍吟詞云紫皇高
宴蕭臺雙成戲擊瓊包碎何人爲把銀河水剪甲兵都
洗玉樣乾坤八荒同色了無塵翳喜冰消太液暖融鳩
鵲端門曉班初退聖主憂民深意轉鴻鈞滿天和氣太
平有象三宮二聖萬年千歲雙玉盃深五雲樓迴不妨
頻醉細看來不是飛花片片是豐年瑞上大喜賜鍍金
酒器二百兩細色投匱復古殿香羔兒酒等太后命本
宮歌板色歌此曲進酒太上盡醉至更後宣轎兒入便

門上親扶太上上輦還宮

淳熙九年八月十五日駕過德壽宮起居太上畱坐至樂堂進早膳畢命小內侍進綵竿垂釣上皇曰今日中秋天氣甚清夜閒必有好月色可少畱看月了去上恭領聖旨索車兒同過射廳射弓觀御馬院使臣打毬進市食看水傀儡晚宴香遠堂堂東有萬歲橋長六丈餘竝用吳璘進到玉石瑳成四畔雕鏤闌檻瑩徹可愛橋中心作四面亭用新羅白羅木蓋造極爲雅潔大池十餘畝皆是千葉白蓮凡御榻御屏酒器香奩器用竝用

水晶南岸列女童五十八奏清樂北岸芙蓉岡一帶竝是教坊工近二百人待月初上簫韶齊舉縹緲相應如在霄漢既入座樂少止太上召小劉貴妃獨吹白玉笙霓裳中序上自起執玉盃奉兩殿酒并以壘金嵌寶注椀杯盤等賜貴妃侍宴官閒府會觀恭上壺中天慢一首云素颺颺碧看天衢穩送一輪明月翠水瀉壺人不到比似世閒秋別玉手瑤笙一時同色小按霓裳疊天津橋上有人偷記新闌當日誰幻銀橋阿瞞兒戲一笑成癡絕可信羣仙高宴處移下水晶宮闕雲海塵清山

河影滿桂冷吹香雪何勞玉斧金甌千古無缺上皇曰
從來月詞不會用金甌事可謂新奇賜金束帶紫番羅
水晶注碗一副上亦賜寶蓋古香至一更五點還內是
夜隔江西興亦聞天樂之聲

淳熙十年八月十八日上詣德壽宮恭請兩殿往浙江
亭觀潮進早膳訖御輦檐兒及內人車馬竝出候潮門
先命脩內司於浙江亭兩旁抓縛席屋五十間至是竝
用綵纈幕帟得旨從駕百官各賜酒食竝免侍班從便
觀看先是澈浦金山都統司水軍五千人抵江下至是

又命殿司新刺防江水軍臨安府水軍竝行閱試軍船
擺布西興龍山兩岸近千隻管軍官於江面分布五陣
乘騎弄旗標槍舞刀如履平地點放五色煙炮滿江及
煙收炮息則諸船盡藏不見一隻奉聖旨自管軍官已
下竝行支犒一次自龍山已下貴邸豪民綵幕凡二十
餘里車馬駢闐幾無行路西興一帶亦皆抓縛幕次綵
繡照江有如鋪錦市井弄水人有如僧兒畱住等凡百
餘人皆手持十幅綵旗踏浪爭雄直至海門迎潮又有
踏混木水傀儡水百戲撮弄等各呈伎藝竝有支賜太

上喜見顏色曰錢塘形勝東南所無上起奏曰錢塘江潮亦天下所無有也太上宣諭侍宴官令各賦詩江月一曲至晚進呈太上以吳琚爲第一其詞云玉虹遙挂望青山隱隱一眉如抹忽覺天風吹海立好似春霆初發白馬凌空瓊螭駕水日夜朝天闕飛龍舞鳳鬱葱環拱吳越此景天下應無東南形勝偉觀真奇絕好似吳兒飛綵幟蹴起一江秋雪黃屋天臨水犀雲擁看擊中流楫晚來波靜海門飛上明月兩宮竝有宣賜至月上還內

淳熙十一年六月初一日車駕過宮太上命提舉傳旨盛暑請官家免拜至內殿起居太上令小內侍扶掖免拜謝恩太后處亦免拜太上邀官裏便背兒至冷泉堂進早膳訖太上宣諭云今歲比常年熱甚上起答云伏中正要如此太上云今日且畱在此納涼到晚去或三省有緊切文字不妨就幄次進呈上領聖旨遂同至飛來峯看放水簾時荷花盛開太上指池心云此種五花同榦近伯圭自湖州進來前此未見也堂前假山脩竹古松不見日色竝無暑氣後苑小廝兒三十人打息氣

唱道情太上云此是張掄所撰鼓子詞後苑進沆瀣漿
雪浸白酒上起奏曰此物恐不宜多喫太上曰不妨反
覺爽快上曰畢竟傷脾太上首肯因閒說宣和閒公公
每遇三伏多在碧玉壺及風泉館萬荷莊等處納涼此
處涼甚每次待宴雖極暑中亦著衲襖兒也命小內侍
宣張婉容至清心堂撫琴并合棊童下棊及令內侍投
壺賭賽利物則劇官家進水晶提壺連索兒可盛白酒
二斗白玉雙蓮杯盤碾玉香脫兒一套六箇大金盆一
面盛七寶水戲并宣押趙喜等教舞水族又進太皇后

白玉香珀扇柄兒四把龍涎香數珠佩帶五十副真珠
香囊等物直至酉初還內

武林舊事卷第七

武林舊事卷第八

陳氏寶顏堂祕笈本參校

四水潛夫輯

車駕幸學

先期三日儀鸞司及內侍省官至國子監相視八廂亦
 至學中搜檢次日諸齋生員盡行搬出學外安泊各齋
 門竝用黃封學官預擬御課題咸淳丁卯出辟用黃羅
 裝背大冊面僉云太學某齋生臣姓某供以大黃羅袂
 護之置於各齋之前以備駕至點索崇化堂後即聖駕
 歇泊之所皆設御屏黃羅幃設供御物等凡敕入宮門

號止於國子監外門敕入殿門號止於國子監內門敕入禁衛號止於崇化堂天井謂之隔門除司業祭酒外其餘學官前廊長諭竝帶黃號於隔門外席地坐賜酒食三品以俟迎駕駕至純禮坊隨駕樂部參軍色念致語雜劇色念口號起引子導駕至大成殿櫺星門禮部太常寺官國子監三學官及三學前廊長諭率諸生迎駕起居上乘輦入門至大成殿門降輦有旨免鳴鞭以昭至敬閤門太常禮直官前導入御幄太常卿跪奏稱太常卿臣某言請皇帝行酌獻之禮上出御幄升殿詣

文宣王位前三上香跪受爵三祭酒奠爵兩拜在位皆

兩拜降階歸幄太常卿奏禮畢陪位官竝退上乘輦鳴

鞭入崇化堂降輦入幄更衣上所至皆設御幄禮官國子監官

三學官三學生竝於堂下分東西立次引執經官講書

官於堂下東壁面西立宰臣執政已下北向立閤門奏

班齊上服帽紅上蓋玉束帶絲鞵出崇化堂坐宰臣已

下宣名奏聖躬萬福御藥傳旨宣升堂各兩拜贊賜坐

分東西階升堂席後立次引執經官講書官奏萬福官

宣名者兩拜次引國子監三學官并三學生奏萬福兩

拜分引升兩廊席後立內官進書案聽宣以經授執經官進於案上講筵內承受對展經冊入內官進牙界方舍人贊賜坐宰相已下及兩廊學官生員應喏訖各就坐聽講講書官進讀經義執經官執牙籠執讀入內官收撤經書再以講義授講官講書官指講訖入內官撤書堂上兩廊官竝起分行宰臣已下降階講書官當御前躬身致詞北向立兩拜御藥降階宣答云有制謁款將聖肅尊視學之儀講繹中庸爰命敷經之彥茂朝彝訓允當朕心再兩拜御藥傳旨宣坐賜茶訖舍人具躬

身不拜各就坐分引升堂席後立兩拜各就坐翰林司供御茶訖宰臣已下并兩廊官贊喫茶訖宰臣已下降階北向立御藥傳旨不拜引兩廊官北向各再拜訖出皇帝起易服幘頭上蓋玉帶絲鞵乘輦鳴鞭出學百官諸生迎駕如前隨駕樂部參軍色迎駕念致語雜劇色念口號曲子起壽同天引子導駕還宮在學前廊竝該恩出官諸生各有免解恩例餘竝推恩有差

人使到闕

北使到闕先遣伴使賜御筵於赤岸之班荆館中使傳

宣撫問賜龍茶一斤銀合三十兩次日至北郭稅亭茶
酒上馬入餘杭門至亭驛中使傳宣賜龍茶銀合如
前又賜被褥銀沙羅等明日臨安府書送酒食閣門官
說朝見儀投朝見榜子又明日入見於紫宸殿見畢赴
客省茶酒遂賜宴於垂拱殿酒五行從官已上與坐是
日賜茶酒名果又賜使副衣各七事幘頭牙笏二十兩
金帶一條并金魚袋鞞一雙馬一匹鞍轡一副共折銀
五十兩銀沙羅五十兩色綾絹一百五十匹餘並賜衣
帶銀帛有差明日賜牲餼折博生羅十匹綾十匹絹布

各二匹朝見之二日與伴使偕往天竺寺燒香賜沈香
三十兩并齋筵乳糖酒果次至冷泉亭呼猿洞遊賞次
日又賜內中酒果風藥花餉赴守歲夜筵用傀儡元正
朝賀禮畢遣大臣就驛賜御筵中使傳宣勸酒九行三
日客省簽賜酒食禁中賜酒果遂赴浙江亭觀潮酒七
行四日赴玉津園燕射命善射者假官伴之賜弓矢酒
行樂作伴射與大使射弓館伴與副使射弩酒五行陳刻
酒九五日大燕集英殿尙書郎官監察御史已上並與
學士院撰致語六日裝班朝辭退賜襲衣金帶三十兩

銀沙鑼五十兩紅錦二色綾二匹小綾十色絹三十四匹
雜色絹一百匹餘各有差臨安府書送贈儀復遣執政
就驛賜燕晚赴解換夜筵件使始與親勸酬以衣物
為侑謂之私覲次日賜龍鳳茶金銀合乘馬出北關登
舟又次日遣近臣賜御筵自到闕至朝辭密賜大使銀
一千四百兩副使八百八十兩衣各三襲金帶各三條
都管上節各銀四十兩衣二襲中下節各銀三十兩衣
一襲塗金帶副之

宮中誕育儀例略

宮中凡閤分有娠將及七月本位醫官申內東門司及
本位提舉官奏聞門司特奏再令醫官指定降誕月分
訖門司奏排辦產閤及照先朝舊例三分減一於內藏
庫取賜銀絹等物如後

羅二百匹

絹四千六百七十四匹

釘設產閤三朝一臘二臘三臘滿月百晬頭晬

金二十四兩八錢七分四釐

畏木篋篋似針眼鈴鈕鍍盆○案針眼陳

刻作銀計俱似誤

四千四百四十兩

銀錢三貫足

大銀盆一面

醃醪沈香酒五十三石二斗八升

裝畫扇子一座

裝畫油盆八面

簇花生色袋身單

陳刻單下有袋字一副

催生海馬皮二張

檀香匣盛硃銅剃刀二把金鍍銀鎖鑰全

彩畫油栲栳篋箕各一

彩畫油甌八口

彩畫油瓶二

新羅漆馬銜鐵一副

裝畫胎衣瓶

鐵秤錘五箇

鐵鈎五十條

眠羊臥鹿二合各十五事

金銀果子五百箇

影金貼羅散花兒二千五百

錦沁席一

綠席氈蒲合褥子各二陳刻蒲作繡

碼礪纈絹一匹

大氈四領

乾蓐草一束

雜用盆十五箇

暖水釜五箇

綠油柳木槌十箇

生菜一合

生艾一斤

生母薑二斤

黑豆一斗栲栳全

無灰酒二瓶

米醋二瓶

紐地黃汁布二條

瀘藥布二條金漆箱兒全

香墨十錠鈿漆影金匣。陳刻鈿漆作紅羅

雞子五十箇金漆箱兒

小石子五十顆竹作籠

竹柴五十把

紅布袋二盛馬桶末用

帶泥藕十挺

生芋子一合彩畫

銀杏一合五十斤內裝畫一千箇

嘉慶子五十斤內裝畫七百箇

菱米五十斤內裝畫七百箇

荔枝五十斤

胡桃二千箇裝畫

圓眼五十斤裝畫

蓮肉五十斤

棗兒五十斤

柿心五十斤

栗子五十斤

梁子十合陳刻果子

喫食十合蒸羊一口生羊剪花八節羊六色子棗大包子棗浮圓兒豌豆棗塔兒炊餅糕

糖餅
髓餅

仍令太醫局差產科大小方脉醫官宿直供畫產圖方
位飲食禁忌合用藥材催生物件合本位踏逐老娘伴
人乳婦抱女洗澤人等申學士院撰述淨胎髮祝壽文
排辦產閣了畢犒賜脩內司會通門官本司人吏庫子
醫官儀鸞司等人銀絹官會有差候降誕日本位官卽
便申內東門司轉奏降誕三日一臘兩臘四節次拆產
閣三臘滿月二次百晬頭晬已上十次支賜銀絹仍添
本位聽宣內人請給十分已上竝係常例此外特恩臨
時取旨不在此限外廷儀禮不在此內

冊皇后儀

先一日宣押翰林學士鎖院草冊后制詞賜學士潤筆
金二百兩次日百官聽宣布皇后三辭免不允差官奏
告天地宗廟社稷諸陵太史局擇日先期命有司陳設
至日早文武百僚集於大慶殿門外節次贊引執事官
入立班定皇帝自內服幘頭紅袍玉帶鞞入幄更服通
天冠絳紗袍禮部侍郎奏中嚴外辨禮儀使俛伏跪稱
禮儀使臣某言請皇帝發冊冊餘與德壽宮上侍中詣御
坐前躬承旨訖降東階立稱有制皆再拜太傅太保躬

身侍中宣制曰冊妃某氏立為皇后命公等持節展禮
 太傅太保再拜參政帥掌節者脫節衣詣太傅位掌節
 者以節授參政參政奉節西向以節授太傅太傅受訖
 以節授掌節者次中書令以冊授太傅太傅受訖置於
 案次侍中轉寶授太保竝如前儀復位竝再拜持節者
 前導冊寶進行太傅押冊太保押寶正安樂作由中道出文
 德殿東偏門樂止掌節者加節衣至穆清殿外幄次初冊
 寶出門禮儀使至御座前跪奏禮儀使臣某言禮畢內
 侍承旨索扇扇合簾降鳴鞭協律郎舉麾鼓祝乾安樂作皇

帝降坐入東房曼敵樂止侍中版奏解嚴是日穆清殿設
 樂架黃麾仗皇后常服乘金龍肩輿至穆清殿後西閣
 內命婦等應陪列者奉從至閣內侍中版奏中嚴外辨
 應行事執事官各就門外位立定持節者立於左內命
 婦各就位皇后首飾褱衣內侍引司言司言引尚宮尚
 宮引皇后出閣協律郎舉麾坤安樂作由西房至殿上南向
 立定樂止禮直官引太傅太保就內給事前西向跪稱冊
 使太傅某副使太保某奉制授皇后前備物典冊俛伏
 興退復位內給事詣皇后前跪奏如前次太傅以冊授

內侍內侍受冊舉冊官奠冊舉冊舉案俱詣內謁者監
 位以冊授內謁者監受冊奠訖次太保轉寶授內謁者
 監如前儀掌節者脫節衣以節授掌節內侍前導冊寶
 進行入殿門內謁者監都大主管後從以次入殿庭
樂作至位樂止尚宮引皇后自東階至殿下中褥位北向
樂作至位樂止舉冊寶官并案進於皇后之右少前西向跪
 奠訖內侍稱有制后再拜讀冊官跪宣冊文后又再拜
 次內謁者監奉冊授皇后皇后受訖以授司言次奉寶
 授皇后皇后受訖樂止皇后再拜退內侍以謝皇太后牋

授皇后皇后置於案再拜內侍奉表以出投進次謝皇
 帝表如前內侍奏禮畢次尚宮引皇后升堂樂作司寶
 奉寶至於坐前樂止司賓引內命婦次就位班首初行惠
樂作至位樂止命婦皆再拜司贊引班首升階志安樂進當
 皇后北向致詞稱贊降自西階惠安樂至位樂止內外命婦
 皆再拜司言稱令旨命婦皆再拜宣令旨訖又皆再拜
 司賓以次引命婦還宮惠安樂出門樂止次內侍引外命婦
 出咸安樂至階上樂止北向致詞咸安樂降階樂止外命婦皆再
 拜又宣答如前內侍奏禮畢皇后降坐徽安樂皇后歸閣

泰安樂作至閣止受賀畢皇后更常服升坐命外命婦如宮中儀會畢再拜以次出

皇后謁家廟用成淳皇后例

太史局預擇日命禮寺參酌禮典所屬排辦至日皇后出宮至祥上升龍檐出和寧門至皇后家廟本府幹辦使臣等並穿秉兵士並衫帽於大門外香案前排立俟儀衛至各兩拜本府親屬於門內婦人於廳下側立俟龍檐升廳至堂門降檐入幄次少歇次本府親屬並立幄前興居退詣家廟以俟陪立次本閣官奏

請皇后服團冠背兒乘小車入詣家廟內侍傳呼西階

降車樂止皇后升堂西向位樂作兩拜陪位官各兩拜讀祝

文兩拜陪位各兩拜如上儀樂作樂止如上皇后還位再拜陪

位官各兩拜皇后降東側階升車樂止又詣後堂炷香如

前儀次赴賜筵皇后坐於堂中南向堂前施簾親屬並常服詣廳下南向謝恩俟皇后升堂詣簾前兩拜婦人

於簾內兩拜親屬並繫鞵立定以俟就坐供進酒食如家人禮至第五盞各於席前立俟皇后降坐少歇再坐

並如前儀又至第九盞酒畢並鞵笏各兩拜賜筵賜物

次於廳前排立謝恩各兩拜俟皇后出幄乘龍檐親屬
北向兩拜退皇后還內詣御前謝恩進納御前及送諸
閣分夫人御侍詔部職事內人及諸位次內人本殿內
人竝細色匹帛盤盞細果海鮮時新喫食及支給內侍
省大官已下及本殿官吏銀絹有差次日內降指揮皇
后封贈三代親屬竝行推恩

早泛索

皇后

下飯七件

菜蔬五件

茶果十合

小碟兒五件

親屬

各早食十味

賜筵

皇后

繡高釘十

時果十碟

脯腊十碟

細京果十碟

細蜜煎十碟

看菜十碟

親屬

京果四十壘

脯腊三百碟

時果乾果共五百碟

初坐

皇后

下酒喫食九盞

上細看食十件

果子意思十件

歇坐

下酒喫食十盞 果子十件

時果十件

宣賜折食錢

大官四員 閣長已下十三員

皇后閣內人 押班等二十五人

本殿隨從官 儀鸞司官 御酒庫官

御輦院官 御廚官 翰林司官

祇候庫官

講殿幕士

樂官

賜筵樂次

家廟酌獻三盞諸部合長生樂引子

賜筵初坐蕙蘭芳引子

第一盞觥策起玉漏遲慢 笛起側犯 笛起真

珠髻 觥策起柳穿鶯 合喜慶曲破對舞

第二盞觥策起聖壽永歌曲子 琵琶起傾盃樂

第三盞琵琶起憶吹簫 觥策起獻仙音

第四盞琵琶獨彈壽千春 笛起芳草渡 念致

語口號 勾雜劇色時和等做堯舜禹湯斷送

萬歲聲 合意思副末念 雨露恩濃金穴貴
風光遠勝馬侯家

第五盞觥策起賣花聲 笛起魚水同歡

歇坐

第一盞觥策合小唱簾外花

第二盞琵琶獨彈壽無疆 陳刻無
疆壽

第三盞箏琶方響合雙雙燕神曲

第四盞唱賺

第五盞鼓板 觥策合小唱舞楊花

再坐

第六盞笙起壽南山 方響起安平樂

第七盞箏彈會羣仙 笙起吳音子 勾雜劇吳

國寶等做年年好斷送四時歡 合意思副末

念 香生花富貴
綠嫩草精神

第八盞笛起花犯 觥策起金盞倒垂蓮

第九盞諸部合喜新春慢曲犯

宮樂官五十八人各帽子紫衫腰帶

都管一人幞頭公服腰帶繫鞵執杖子

樂官犒設

內藏庫支賜銀

皇后殿外庫支賜錢酒

本府支犒錢酒

皇后散付本府親屬宅眷幹辦使臣已下

金合

金瓶

金盤盞

金環

金釵

金釵

金錢

共金五百兩

銀盤盞

共二千兩

細色段匹

翠領

翠花

翠冠

翠扇

翠篋環

銀錢

畫扇

龍涎香

刺繡領

畫領

生色羅

皇子行冠禮儀略

太史擇日降旨令太常寺參酌舊禮有司具辦儀物至日質明百僚立班皇帝即御座禮直官通事舍人大常博士引掌冠贊冠者入就位掌冠以太常卿初入門祇贊冠以閤門官承制降自東階詣掌冠者前稱有制典儀贊再拜在位

皆再拜訖左輔宣制曰皇子冠命卿等行禮掌冠贊冠者再拜左輔復位王府官入詣皇子東房禮直官通事

舍人太常博士引皇子內侍二人夾侍王府官後從自後

此並准皇子初行恭安即席南向坐樂禮直官等引掌冠

贊冠詣盥洗樂搯笏盥手悅手訖執笏升樂執折上巾

者升掌冠者降一等受之右執項左執前進皇子席前

北向跪冠修安掌冠者興席南北面立贊者進席前北

面跪正冠興立於掌冠者後皇子與內侍跪進服服訖

樂止掌冠者揖皇子復坐贊冠者跪取爵內侍以酒注於

爵掌冠受爵跪進皇子席前北向立祝曰酒醴和旨籩

豆靜嘉受爾元服兄弟具來永言保之降福孔皆皇子

搯笏跪受爵翼安飲訖奠爵執笏太官令奉饌設於皇

子席前皇子搯笏食訖樂執笏太官令撤饌禮直官等

復引掌冠贊冠降詣盥洗樂搯笏盥手執笏升樂贊冠

者進席前北向跪脫折上中置於匣興內侍跪受服興

置於席執七梁冠者升掌冠者降二等受之右執項左

執前進皇太子席前北向跪冠進安掌冠者興席南北

面立贊者進席前北面跪簪結紘興立於掌冠者之後

皇子與內侍跪進服服訖樂止贊冠者揖皇子復坐贊冠者跪取爵內侍以酒注爵掌冠者跪受進爵皇子席前北向立祝曰賓贊既戒肴核惟旅申加厥服禮儀有序允觀爾誠受天之祐皇子搢笏跪受爵輔安樂作飲訖奠爵執笏太官令進饌徹饌竝如前贊冠者進席前北向跪脫七梁冠置於匱興內侍跪受服興置於席執九旒冕者升掌冠者降三等受之右執項左執前進皇子席前北向跪冠廣安樂作掌冠者興贊冠者進席前北面跪簪結絃興立皇子興內侍進服服訖樂上皇子復坐贊冠者再

進酒如前祝曰旨酒既清嘉薦令芳三加爾服眉壽無疆永承天休俾熾而昌皇子跪受爵咸安樂作太官令奉饌如前皇子降自東階詣朵殿東房易朝服降立於橫街南王府官階下西 皇子初行樂作至位樂止禮直官等引掌冠者詣皇子進字之曰歲日云吉威儀孔時昭告厥字君子攸心 爾成德永言保之奉敕字某皇子再拜舞蹈再拜奏 躬萬福又再拜左輔詣御坐前承旨降階詣皇子前宣曰有幾皇子再拜左輔宣敕戒曰好禮樂多服儒講藝蕃我王室友于兄弟不溢不驕惟

以守之宜詔皇子再拜餘如皇太子儀次日文武百僚
詣東上閤門拜表稱賀

武林舊事卷第八

